

मार्निंग डोगरी न्यूज़ बुलेटिन, समें. 09-20 Hrs

Headlines

1. गृह मंत्री अमित शाह होरें आखेआ ऐ जे भारत कदें बी पाकिस्तान कन्नै सिंधु जल संधि गी ब्हाल नेई करोग।
2. लेफ्टिनेंट गवर्नर मनोज सिन्हा होरें आखेआ ऐ अनेकता च एकता गै साढ़ी सब्बनं शा बड़्डी ताकत ऐ ते एह जज्बा गै असें'गी अपने पुरखें दे सुक्खनं गी सच करने दी ताकत देग।
3. ट्रांसपोर्ट मंत्री सतीश शर्मा होरें जम्मू च सिड़क सुरक्षा ते औंदी श्री अमरनाथ जी दी जात्तरा लेई तैयारिएं दा जायजा लैता।
4. मुख्य सचिव अटल डुल्लु होरें जम्मू ते श्रीनगर शैहरें च ट्रैफिक दा रश घट्ट करने लेई रणनीतिक योजना तैयार करने दी जरूरतै पर जोर पाया ऐ।
5. जम्मू खित्ते दे स्याले आहले ज़ोन हेठ पौंदे स्कूलें लेई कल 23 जून शा लेइयै 7 जुलाई तोहड़ी सोए दिएं छुट्टिएं दा ऐलान कीता गेआ ऐ।

<><><><><><>

HM-IWT

केन्द्री गृहमंत्री अमित शाह होरें आखेआ ऐ जे भारत पाकिस्तान बन्ने सिंधु जल संधि कदें बी ब्हाल नेई करोग। उनें आखेआ जे सरकार पाकिस्तान जा करदे बारे पानी गी राजस्थान लेई जाने आस्तै नहरें दा निर्माण करोग। इक अखबार गी दित्ते गेदे इंटरव्यू च श्री शाह होरें आखेआ जे सरकार दी आतंकवाद गी दना क बी बर्दाश्त नेई करने दी नीति बरकरार ऐ। गृहमंत्री होरें आखेआ जे सरकार कश्मीर नक्सल क्षेत्र ते पूर्वोत्तर च आतंकवाद दे मुंडले कारणें गी दूर करने पर कम्म करा करदी ऐ। उनें आखेआ जे भारत समूलची दुनिया च रासपूंजी लाने दी इक्कली सब्बने शा सुरक्षत ते बेह्तरीन थाहर ऐ। श्री शाह होरें आखेआ जे भारत इक लोकतांत्रिक देस ऐ जेहदी नीतियां पारदर्शी न ते एह इक बड़्डा बजार ऐ। उनें आखेआ जे सरकारै 2014 थमां इस गल्ला गी जकीनी बनाया ऐ जे विकास दा लाह समूलचे देसै च बरोबर तौरा पर मिले।

<><><><><><>

LG-WB Day

उपराज्यपाल मनोज सिन्हा होर जोर देइयै आखेआ ऐ जे साढ़ी सब्बने शा बड़्डी ताकत विविधता दे बिच्च एकता च ऐ ते एह भावना असेंगी अपने पुरखें दिऐं आसैं—मेदें गी साकार करने च समर्थ बनाव। उनें एह ब्यान पच्छम बंगाल दे स्थापना दिवस समारोह दे दरान दित्ता। अपने वर्चुअल संबोधन च उपराज्यपाल होरें अजादी दे सेनानिऐं काबले जिकर क्रांतिकारिऐं ते पच्छम बंगाल दिऐं प्रमुख हस्तिऐं गी श्रद्धांजलि दित्ती ते देशै दे विकास ते इक विकसित भारत दे दृष्टिकोण च उंदे महत्वपूर्ण योगदान गी चेता कीता। उनें नोजवानें गी अग्रे दी सोच ते इकजुट समाज गी बढ़ावा देने आस्तै किट्ठे होने दा आग्रह कीता।



Satish Transport Meeting

जम्मू कश्मीर दे ट्रांसपोर्ट सेवाएं ते शिड़क सुरक्षा गी बधाने दे जतनें च ट्रांसपोर्ट मंत्री सतीश शर्मा होरें जम्मू खित्ते दे हर जिले दे आरटीओ कन्नै इक उच्ची सतह दी समीक्षा बैठक दी प्रधानता कीती। बैठक च ऑनलाइन सेवाएं च सुधार करने, ड्राइविंग लसैंसें दी फौरी दस्तयाबी जकीनी बनाने ते जागरूकता बधाने दी लोड़ पर जोर दित्ता गेआ। मंत्री होरें डरैवरें आस्तै नियमित सेहत जांच ते नशीले पदार्थ दे सेवन दे खलाफ कारवाई करने दे महत्व पर लोह पाई। उनेश्री अमरनाथ जी दी यात्रा दिऐं तैआरिऐं दा बी जायजा लैता ते तीर्थयात्रिऐं आस्तै इक सुरक्षित ते बेहतर अनुभव दी गारंटी देने आसै तालमेल आली कोशशें दा आग्रह कीता।



Yoga Day (byte)

योग सरबंधी 11मां अंतर्राष्ट्री ध्याड़ा कल समूलचे जम्मू संभाग च पूरे जोश ते एकता दी भावना कन्नै मनाया गेआ। सब्बनें उम्री ते वर्गे दे लोकें खरी मती गिनतरी च सार्वजनिक पार्क, सरकारी दफ्तरें ते होरनें महत्वपूर्ण थाहरें पर योग दे बक्ख—बक्ख आसन कीते। इ’नें कार्यक्रमें दरान लोकें गी मानसिक ते शारीरिक सेहत दा संदेस दित्ता गेआ। एहदे अलावा लोकें गी इब्बी आखेआ गेआ जे ओह नरोआ जीन जीने लेई योग गी अपने रोजमर्रा दे जीवन दा हिस्सा बनाई लैन।



Special Feature

सेवा, सुशासन ते गरीब कल्याण दे सिद्धांतें पर चलदे होई पिछले 11ऐं ब’रे च भारत च केई क्रांतिकारी ते सुधारत्मक बदलाव आए न। मजूदा सरकार दे पिछले 11ऐं ब’रे दे जतनें ते उपलब्धिऐं गी उजागर करने लेई आकाशवाणी नै इक विशेष श्रृंखला शुरू कीती दी ऐ जेहदे तैहत अज्ज अस गल्ल करगे ऊर्जा दे क्षेत्र च हासल उपलब्धिऐं ते कामयाबिऐं दी। इस क्षेत्र च भारत दऊं उद्देश्येंग ी लेइयै कम्म करा करदा ऐ, जिंदे चा इक ऐ

बधदी ऊर्जा दी मंग गी नूरा करना ते टिकारूपन गी तरजीह देना। अंतर्राष्ट्रीय ऊर्जा अजेंसी आईईए मूजब औंदे 3 बरें दरान बिजली दी कुल संसारी सतह दी मंग उभरदे तेविकासशील मुख्यें थमां औग। दुनिया दी सब्बने शा तेजिया कन्नै बधा'रदी अर्थबवस्था दे रूपै च भारत कुल संसारी सतह पर बिजली दी मंग ते उत्पादन दे क्षेत्र च अपना इक मतर महत्वै आला रोल अदा करै करदा ऐ। भारत दी ऊजा दी मंग तेजिया कन्नै बधने दी मेद ऐ ते एह्दे बिजली ढांचे दी टिकारूपन आली बवस्था आली सोच ते नीति इस मंग गी पूरा करने च मददगार साबत होग। आई.ई.ए. मूजब 2035 तगर कुल संसारी सतह उप्पर उर्जार खेत्तर च भारत दी भागीदारी दूनी कोला मती होने दी मेद ऐ।



CS Traffic

मुख्य सचिव अटल डुल्लु होरें जम्मू ते श्रीनगर आस्तै ट्रैफिक प्रबंधन पर बहु-अनुशासनक समिति दी इक महत्वपूर्ण बैठका दी प्रधानता कीती। मुख्य सचिव होरें इस मौके पर भीड़भाड़ गी घट्ट करने ते शैहरी गतिशीलता गी बधाने उप्पर जोर दित्ता। उ'नें बक्ख-बक्ख सरबंधत धड़ें ते आंकड़ें पर आधारत हलें दे बश्कार तालमेल दे महत्वै पर लोऽ पाई, बवहारिक आमदोरफ्त प्रबंधन नीतिएं, बेहतर बुनियादी ढांचे, ई-बस सेवाएं, रिंग रोड ते मास रैपिड ट्रांसजिट ज्नेह नमें उपाएं दा आह्वान कीता। एह्दे अलावा उ'नें दौनें शैहरें च बवस्थित जात्तरा अनुभव बनाने दे मकसद कन्नै विभागीय जिम्मेदारिएं ते तरक्की दी निगरानी आस्तै इक बशेश वैब पोर्टल दी जरूरतै पर जोर दित्ता।



Sec RDD

ग्रामीण विकास विभाग दे सचिव मोहम्मद ऐजाज असद होरें औंदी अमरनार्थें दी जात्तरा दिएं तैयारिएं दे सिलसिले च कल बालटाल ते एह्दे आले-दोआले दे इलाकें दा व्यापक दौरा लाइयै, उत्थे कीते गेदे इंतजामें दी समीक्षा कीती। उ'नें बालटाल आह्ले आधार शिविर कोला लेइयै पवित्तर गुफा तोहड़ी दे रस्ते च कीते गेदे प्रबंधें ते खडेरें गेदे युनितें दा मुआयना कीता ते जित्थे कुदरै बी कोई कमी पेशी रेई गेदी ऐ उसी उजागर करियै तौले दुरुस्त करी लैने दा निर्देश दित्ता। इस दौरे दरान सरबंधत केई सीनियर अफसर बी उंदे कन्नै गेदे हे। सचिव ऐजाज असद होरें जोर देइयै आखेआ जे पूरे रस्ते च साफ-सफाई लेई अमला सुददी गिनतरी च तैनात रौहना लोड़चदा ऐ ते सब्बनें कम्में पर बकायदा निगरानी रक्खी जानी लोड़चदी ऐ तांजे कुदरै बी कोई कोताही जां कमी पेशी नेई रेई जा।



Summer Vacation

स्कूली शिक्षा निदेशालय जम्मू नै जम्मू खित्ते दे स्याले आहले जोन च हायर सकेँडरी सतह तोहड़ी दे सब्भनं सरकारी ते मान्यता हासल निजी स्कूलें च सोहे दिएं छुट्टिएं दा ऐलान करी दित्ता ऐ। 21 जून 2025 गी जारी हुकमै मूजब, स्कूल 23 जून कोला 7 जुलाई 2025 तगर बंद रौहडन। माता-पिता, विद्यार्थिएं ते स्कूल प्रशासनं गी सलाह दित्ती जंदी ऐ जे ओह छुट्टियें दी अवधि दे मुताबक गै कुसै बी कार्यक्रम दी योजना बनान। स्कूली गतिविधियां 8 जुलाई शा परतियै शुरु होई जाडन।



Rajouri Dharti Aabha

जनजातीय आबादी आहले इलाकें च सार्वजनिक सेवाएं दी बेहतर ढंगै नै दस्तयाबी ते सुशासन दी दिशा च इक महत्वपूर्ण गैह पुट्टदे होई रजौरी दे डिप्टी कमिशनर अभिषेक शर्मा होरें कोटेधारा च धरती आभा जनजातीय ग्राम उत्कर्ष अभियान दे तैहत् लोआए गेदे जागरूकता कैप दा चानचक्क निरीक्षण कीता। इस मौके पर उ'नें, मुकामी लोकें गी उपलब्ध करोआई जा'रदी सेवाएं ते उत्थे लागू कीती जा'रदी सरकार दी कल्याणकारी योजनाएं दी स्थिति दा जायजा लैता। अपने दौरे दरान डिप्टी कमिशनर होरें सरबंघत अधिकारिं ते जनजातीय समुदाय दे सदस्यें कन्नै गल्लबात करियै धरती आभा जनजातीय ग्राम उत्कर्ष अभियान तैहत् कीते गेदे कम्में बारै जानकारी लैती। इ'दा मकसद इस गल्लै गी जकीनी बनाना ऐ जे सब्भनं योग्य लाभार्थिं गी सरकार दिएं कल्याणकारी योजनाएं दा लाह हासल होऐ ते जनजातीय आबादी आहले ग्राएं च लोकें गी सशक्त बनाया जाई सकै।



Udhampur Young Athlete(byte)

उधमपुर जिले दे बसंतगढ़ इलाके दे बसनीक रंजेश सिंह होरें गी ईरान च होने आली प्रतिष्ठित वेस्ट एशियन एम्प्यूटी फुटबाल चैंपियनशिप 2025 च भारत दी नुमायंदगी करने आस्तै भारतीय टीम लेई चुनेआ गेआ ऐं केन्द्र मंत्री डॉ. जितेन्द्र सिंह होरें इक सोशल मीडिया पोस्ट च इस खबर गी सांझा कीता ते युवा खडारी गी बधाई ते शुभकामनां दित्तियां।



Weather

ते हून खबर मौसम दी। जंदी रातीं थमां गै जम्मू संभाग दे पहाड़ी जिले रामबन, पुंछ ते रजौरी सने पदरे इलाकें च बी बरखा बरा करदी ऐ। केई इलाके च बड़ी भारी बरखा बरने दी खबर ऐ। मौसम च इस बदलाव नै

લોકેં ગી સચ્ચત ગર્મીં થમાં રાહત દિત્તી એ । ડ'આં સરબંધત અધિકારિણં, લોકેં ગી ડ્બ્બી સલાહ દિત્તી એ જે ઓહ સોહ્ગે સતર્ક રૌહ્ન તે ડસ મૌસમ દરાન ફ્હાડી રસ્તેં પર સફર ગી ફિલહાલ ટાલી દેન ।

<><><><><><>